



---

REPUBLIKA E SHQIPËRISË  
**MINISTRIA ARSIMIT, SPORTIT DHE RINISË**  
**AGJENCIA E SIGURIMIT TË CILËSISË SË ARSIMIT PARAUNIVERSITAR**

**Njoftim për aplikim**

**Për regjistrim në regjistrin shtetëror të mësuesve të gjuhës shqipe e të kulturës shqiptare në diasporë**

**Të nderuar kolegë/e,**

Agjencia e Sigurimit të Cilësisë së Arsimit Parauniversitar, mbështetur në ligjin nr. 69/2012 “Për Sistemin Arsimor Parauniversitar”, pikës 8 të Vendimit të Këshillit të Ministrave nr. 104, datë 28.02.2019, Urdhrit nr. 413, datë 26.07.2019, të Ministrit të Arsimit, Sportit dhe Rinisë “Për përcaktimin e kriterëve për krijimin e regjistrit shtetëror të mësuesve të gjuhës shqipe e të kulturës shqiptare dhe dhënien e certifikatave për nxënësit në diasporë”, VKM-së nr. 98, datë 27.02.2019 “Për krijimin, mënyrën e organizimit e të funksionimit të Agjencisë së Sigurimit të Cilësisë së Arsimit Parauniversitar (ASCAP) **shpall njoftimin për aplikim për t’u regjistruar në regjistrin shtetëror të mësuesve të gjuhës shqipe e të kulturës shqiptare në diasporë.**

**1. Kjo shpallje bëhet me qëllim krijimin, përditësimin e regjistrit shtetëror të mësuesve të gjuhës shqipe e të kulturës shqiptare në diasporë.**

**2 . Afati i aplikimit është nga data 1 – 30 tetor 2019.**

**3. Kandidatët që aplikojnë duhet të plotësojnë këto kriterë që të përfshihen në regjistrin shtetëror të mësuesve:**

- a) Të jenë diplomuar në fushën e mësuesisë në institucionet e arsimit të lartë. Përparësi kanë mësuesit e diplomuar në degët gjuhë shqipe dhe letërsi, parashkollor, arsim fillor, histori, gjeografi, etnologji, muzikë dhe arte të kulturës shqiptare.
- b) Të jenë licencuar si mësues, sipas legjislacionit të Republikës së Shqipërisë, Republikës së Kosovës apo vendeve ku zhvillohet program i mësimit të gjuhës shqipe e të kulturës shqiptare në diasporë.
- c) Të jenë pranuar si mësues i mësimit të gjuhës shqipe e të kulturës shqiptare në vendet respektive.

**4. Kandidatët që aplikojnë duhet të dorëzojnë dokumentet si më poshtë:**

- a) Kërkesë për aplikim sipas shtojcës 1 bashkëlidhur.
- b) Curriculum vitae me fotografi sipas formatit EUROPASS, shoqëruar me dokumentacionin që shoqëron të dhënat në CV.
- c) Kopje e një dokumenti identifikimi: pasaportë apo kartë identiteti.

- d) Kopje e diplomës, në fushën e mësuesisë, lëshuar nga institucioni i arsimit të lartë, përkthyer në gjuhën shqipe dhe e noterizuar (bachelor dhe master ose e integruar).
- e) Kopje e listës së notave, e përkthyer në gjuhën shqipe dhe e noterizuar.
- f) Kopje e licencës së mësuesisë e përkthyer në gjuhën shqipe dhe e noterizuar (nëse disponon një të tillë).
- g) Kopje të përkthyer në gjuhën shqipe dhe të noterizuara të certifikatave dhe të kualifikimeve si mësues të gjuhës shqipe, të marra në Shqipëri ose në vende të tjera.
- h) Dokument që vërteton që kandidati jep mësim në gjuhën shqipe, i përkthyer në gjuhën shqipe dhe i noterizuar ( të saktësohet nëse është institucion publik apo privat, nëse është punë me kohë të plotë ose të pjesshme).

#### **5. Aplikimi dhe dorëzimi i dokumenteve të cituara më sipër do të bëhet:**

Në adresën postare: ASCAP, Rruga e Durrësit, Nr. 219, Tiranë,  
On-line në [ascap.edu.al](http://ascap.edu.al), faqen zyrtare elektronike të Agjencisë së Sigurimit të Cilësisë së Arsimit Parauniversitar, duke ndjekur në vijimësi udhëzimet online në linkun e mëposhtëm:

[https://docs.google.com/forms/d/e/1FAIpQLSfcLPuKIR6msHD7UjLLaOWOwu7esf\\_yAbiPbdnK0I22cVe1Qw/viewform](https://docs.google.com/forms/d/e/1FAIpQLSfcLPuKIR6msHD7UjLLaOWOwu7esf_yAbiPbdnK0I22cVe1Qw/viewform)

Kandidatët brenda 5 ditëve kalendarike nga data e fundit e aplikimit, do të njoftohen me e-mail për dokumentet shtesë që mund të duhen.

Kandidatët duhet të plotësojnë dokumentacionin brenda 3 ditëve kalendarike nga njoftimi për plotësim dhe e dërgon në rrugë elektronike.

Ju Faleminderit,